

## Муносабат: Томорқадан унумли фойдаланиш – энг муҳим вазифа



**Давлатимиз раҳбари раислигида жорий йилнинг 8 апрель куни ўтказилган видеоселектор ийғилишида коронавирус пандемиясига қарши курашишда жойлардаги ишлар натижадорлигига эришиш, озиқ-овқат хавфсизлигини таъминлаш, томорқачиликни янада ривожлантириш бўйича олдимизга муҳим вазифалар қўйилди.**

Айни вақтда аҳоли бандлиги ва даромадини оширишнинг асосий манбаи бўлган томорқачиликка алоҳида эътибор қаратилаётгани бежиз эмас, албатта. Биринчидан, фуқароларни “Уйда қолинг” лойиҳаси доирасида пандемияга қарши курашишда карантин даврида яашаш уйларида “олиб қолиш” бўлса, иккинчидан, деҳқон хўжаликлари, томорқа ер участкаларидан фойдаланиш самарадорлигини ҳамда юртдошларимизнинг реал даромадини ошириш кўзда тутилади.

**Мамлакатимизнинг энг катта бойлиги бу – унумдор ерларидир. Биз тупроғига чўп суқса, униб-үсадиган юртда яшаймиз. Демак, озиқ-овқат таъминоти ва хавфсизлиги масаласида халқимизнинг эҳтиёжини қондира олиш имконига эгамиш. Фикримизни жойларда фуқароларимизнинг кафтдек томорқадан унумли фойдаланиб, мўл ҳосил ва катта даромад олаётганликлари ҳам тасдиқлайди.**

---

Азалий меҳрли, оқибатли халқмиз. Эҳтиёжманд ён қўшнимиз, маҳалладошимиз қийин аҳволга тушиб қолганда жим қараб тура олмаймиз. Қўшма қарорда ана шу жиҳатга ҳам алоҳида эътибор қаратилган. Яъни кам таъминланган, қаровчиси бўлмаган оиласарга илғор фермерларни бириктириш, томорқасига эҳтиёж учун зарур бўладиган экинлар экиш ва парваришилашда ёрдам бериш, шу мақсадда маҳаллий бюджетдан ажратиладиган маблағларнинг тўғри сарфланиши депутатлар томонидан назорат қилиб борилиши халқ ишончли вакилларининг масъулиятини янада оширади.

Томорқадан юқори ҳосил олаётган омилкор инсонлар тажрибасини кенг жорий этиш масаласи ҳам муҳим йўналишлардан бири сифатида белгиланган. Очиғини айтишимиз керак, ҳали томорқасига экин экмаган оиласар бор. Бироқ омилкор томорқа эгалари томорқасидан дастлабки ҳосилни йиғишириб, яхшигина даромадга ҳам эга бўлди. Риштон туманидаги жуда кўп оиласар ўз томорқасида етиштирилган кўчатлар, резаворларни сотиб бўлди. Яна бир гуруҳ хўжалик томорқаларида эса помидор, бодринг, булғор қалампири сингари маҳсулотлар пишиб етилди. Умуман, бу каби омилкор томорқа эгалари туманимизнинг барча маҳаллаларимизда жуда кўп. Асосий вазифамиз ана шуларнинг илғор тажриба ва иш услубларини кенг оммалаштириш. Юртимиздаги барча томорқа участкаларидан юқори даражада даромад олишга эришишдир.

Олдимиздаги муҳим вазифалардан яна бири, “Ҳар бир оила – тадбиркор” дастури доирасида ҳар бир сектор ҳудудида камида 100 тадан хонадонда 1-1,5 сотихли исикхоналар ташкил этилишига кўмаклашишдан иборат.

Қўшма қарорда белгиланган вазифалар ижросини таъминлашда барчамиз фаол бўлсак, албатта, кутилган натижаларга эришамиз.

**Муқаддасхон БЕКМИРЗАЕВА,**

**Маҳалла ва оиласи қўллаб-қувватлаш**

**Риштон туман бўлимни раиси**

2020-04-16 06:14:09